

DOCUMENT 8

奏

臣奕訢臣桂良臣文祥跪

奏為啖酋呈出偽諭並恭候宣布

諭旨再行退兵各情形恭摺由六百里馳奏仰祈

聖鑒事竊臣等前因啖夷換約後尚未退兵必欲恭

候宣布

諭旨再肯撤回並據崇綸恒祺等稱該夷別無他意

不過以此為切實憑據是以臣等恭擬

諭旨一道進呈

御覽俟

俞允發回後再交崇綸等宣布以便催令退兵業於

十三日縷晰具

奏在案本日午刻復據崇綸恒祺等面稱啖夷定

於十七日陸續退兵而嘆夷則必欲俟

諭旨到後方肯撤回且稱該夷自擬

諭旨一道必得照其所擬宣布始可為切實之據如

不允從即將城外夷兵全禁城內種種要挾實

堪髮指而崇綸恒祺以為事已至此殊未便因小

節而滋他變不如照其所擬先行宣布各等語

臣等伏思前次具奏所擬

諭旨係與恒祺面商酌定何以忽稱必須另易一道

方行退兵總緣該夷扼守城門肆行狂悖而漢

奸又為之慫恿以致愈出愈奇

OMITTED TEXT

而以無不批准永允

遵行八字為最要但未便率行允准致啟輕易

之心因飭崇綸等前往告以業經入奏必有切實
恩旨可為永遠遵行之據但斷不能如爾等恭擬之

詞如此開導倘該夷馴從即可俟前擬

諭旨奉到後迅速宣布倘該夷尚復饒舌擬將前奏
諭旨內仿其語意畧加潤飾交崇綸等宣布既不拂
其所求亦不全允所請一面仍催令退兵以免

再生枝節惟

渙號式頒豈臣下所敢私擬而時處艱難萬分棘手
現在啼夷兵既未盡退難保不勾結復來若令
嘆夷馬步隊全數入城必致民情驚擾後患無
窮此臣等憤恨之餘不得不委曲求全之苦衷
也至該夷偽諭詞多鄙俚不值與之較論惟據

該首呈出不敢壅於上

聞謹抄錄一併恭呈

御覽伏乞

皇上聖鑒謹

奏
互換了該夷偽諭是香為
互換憑授抑係通知各省
若僅為互換不妨接收

咸豐十年九月

十七

日